


С
А-
30138




ТУЛЫС






30138




Н. Н. Лебедев

ТУАДИК



КОМИ КНИЖНОЙ ИЗДАТЕЛЬСТВО
Сыктывкар 1960





ТУЛЫС

Заводитіс шонді
Төвлысь вежны лад,
Яра сотны пондіс.
Воис тувсов кад.
Көдзыд лун-вой быри,
Сыліс еджыд лым,
Юыс ваон тыри,
Гымалö нин гым.
Надзёникөн киссьö
Муяс вылö зэр.
Сулалö да мыссьö
Зэрнас пемыд вөр.

Нимкодясьö сәтөн
Небыд коръя кыз.
Мича турун петö,
Вежөдöма видз.

Мöдлапöлын кылö
Утка, дзодзөг, юсь.
Колипкай нин сьылö,
Колипкай оз узь.

Зіля гөрö-көдзö
Муяссö колхоз.
Трактор вылö пöчö
Дзоргö шензигмоз.
Челядь котыр ворсö,
Котралö лунтыр.
Тувсов гажа гсрсö
Кылан сәні дыр.



МАМ И ЧЕЛЯДЬ



Коді челядь вёсна шогсьё,
Челядь гөгөр зіля ноксьё,
Видзё найёс вой и лун,
Ылө на дінысь оз мун?

Налөн муса мамыс!

Коді на вёсна и олө,
Найёс кывйён дойдны полө,
Сетө чёскыд сёянтор,
Аслыс водзёссө оз кор?

Налөн дона мамыс!


Челядь быдмёны кө бура,
Оз кө лоны пемыд юра,
Коді сәки медся рад,
Оз и аддзыв гажтём кад?

Налөн зарни мамыс!

Оз кө челядь шаня овны,
Лёксө вөчны оз кө повны,
Коді жугыльтчёма сәк,
Бытьё арся лунө көк?

Налөн коньёр мамыс!







Гожом

Вылө шонді кайө,
Ёрө йөзлысь син.
Жарыс сылөн вайө
Мулы ыджыд вын.
Быдмө, йывмө йёрын
Картупель да лук.
Няньыс зэрөм бёрын
Лэптысьёма сук.
Вөччөмаось пуяс,
Паськөм налөн веж.
Ляпкалөны пуяс,
Содө лыа бөж.

Видзяс вылын пуö
Уджыс лун и вой.
Ытшысь, куртысь жуö,
Вына налөн сой.


Мича турун вöчö
Öтувтчöм бур йöз,
Зорöдьясö тэчö —
Пöтас вöv да мös.

Вöрын уна вотös:
Мырпом, пув да чöd.
Шондi найös сотö,
Кисьмыштасны мед.

Няньыс быдмö, кайö,
Сьöктö сылөн юр.
Гожöм мортлы вайö
Уна пölös бур.



**Медся ичот
ЗВЕРЬ**



„Сьёкыд менам олём, —
Шуис отчыд көч. —
Некод меным бурсö
Коньöрлы оз вöч.
Ручыс менö сёйö,
Кыйö менö морт.
Ог ме весиг тöдлы
Ассьым шоныд горт.
Бөрьясын ме, коньöр,
Медся ичот зверь.
Меысь, позыö шуны,
Ичöтыс оз төр.

Татшөм сьöкыд олөм
Абу выа нянь.
Муна ваö пыра,
Мучитчыныд шаны!“

Синва көчлөн киссьö,
Мөвпыс абу бур.
Мунö сійö ваö
Суйны ассъыс юр.

Кыркөтш дорас сәки
Пукалөма шыр.
Повзис сійö көчысь,
Пышйис пырысь-пыр.



Шырлысь пышйөм аддзис
Көчлөн гөгрөс син,
Долыд лои көчлы,
Соді сылөн вын.

„Әм на тай со, — шуö, —
Меысь ичөт зверь.
Позьö на мем овны,
Бергөдча ме бөр!“


Косьмис көчлөн синва.
Ваö көч оз пыр:
Медся ичөт зверыд
Вөлөма тай шыр!





ИЧӨТ НЫВЛӨН СЫЛАНКЫВ

Мыйла нө оз кывсы
Ичөт нывлөн гөлөс?
Сыланкывсө сійө
Төдө уна пөлөс.
„Кывзөй, — сійө шуис: —
Заводита сывны!“
Ылө-ылө кутіс
Гөлөс сылөн кывны:
„Гажа садйысь локті,
Котөрти ме өні.
Гөрдөдөма, кисьмө
Чөскыд өмидз сәні.
Ловзьөдісны сійөс
Зэр да югыд шонді.
Жугыльтчыны арөдз
Сійө оз нин понды!“...
Ланьтіс, эз кут кывны
Гөлөс ичөт нывлөн.
Матіник и вөлі
Помыс сыланкывлән.





Ар

Шонді мыйкō дышмис,
Чинтіс ассьыс өд,
Гожся моз оз ышмы,
Ыджыд жар оз сет.

Рудов кымөр чукөр
Панлō сыкōд вен.
Шонділōн гōрд югөр
Вошлывлō нин сән.

Мукōд дырйи зэрō,
Мукōд дырйи — пуж.
Видзōдлан кō йөрō,
Градъясыд нин куш.


Колхозса бур войтыр
Идралö выль нянь.
Тöждысян кө войдөр,
Олөм лоас шань.

Рыныш дорын кылö
Гора вартан шы.
Лэптысьöма вылö
Арся уджлөн гы.

Вартөм бöрын позьö
Кыйны сьöла-ур,
Зверкөд пырны косьö,
Пищальыд кө бур.

Луныс көть и чинö,
Няйтыс көть оз быр,
Жугыльтчыныд нинөм,
Йөртöдыд кө тыр.





СЁРКНИ

Көдзис пöльö сёркни,
Быдмис сёркни ыджыд,
Сэтшöм ыджыд сёркни,
Кутшöм эз на вöвлы.
Сёркни пöльö кыскö —
Кыскыны оз вермы!

Пöрысь пöчöс пöльö
Отсöг ылö корö.
Воис пöрысь пöчö
Отсöг ылö пöльы.
Кыскöны нин кыкөн —
Сёркни оз и вөрззы!

Корис сэки пöчö
Нывлысь ичöт нывсö.
Тильсьöны зэв зiля
Ыджыд сёркни гөгөр.
Оз и вөрззы сёркни,
Куимлы оз сетчы!

Нывлөн ичөт нылыс
Корис сәки понсö.
Кутчысисны нельөн
Öти сёркни корйö.
Сёркни вылö налөн
Оз на судзсы выныс!

Понйыс сәки корис
Отсöг вылö каньсö.
Надзöникөн локтис
Шылбыд юра Машук.
Мырсöны нин витөн —
Оз на кыпты сёркни!

Ветлис сәки каньыс
Рыныш дорö шырла.



Шыркөд сәні лои
Сёркни перйысь квайтөн,
Шыркөд налөн выныс
Бура уна содіс.

Кутчысьёма пёлыс,
Кутчысьёма пёчыс,
Кутчысьёма нылыс,
Кутчысьёма понйыс,
Кутчысьёма каньыс,
Кутчысьёма шырыс,
Кутчысисны квайтөн —
Нетшыштисны сёркни!





ВАНЮК

Дзоля Ванюк эз на тӧдлы,
Кутшӧм велӧдчӧмыд эм.
Гортысь некытчӧ эз ветлы,
Чайтис овны тадзи нэм.

Ӧтчыд мамыс сылы шуӧ:
„Пасьтась, Ванюк, муса пи.
Тӧнӧ школаӧ ме нуа,
Тшӧтш и мунам сэтчӧ ми“.

Ванюк бӧрддзис, Ванюк повзис,
Сійӧ вывті вӧлі рам.

„Со пӧ олӧм менам овсис!
Кытчӧ нуӧ менӧ мам?“


Нинӧм тӧныд, Ванюк, бӧрдны,
Омӧлинӧ тӧ он сюр.
Тӧнӧ некытчӧ оз йӧртны,
Тӧныд югдӧдасны юр.

Тӧныд велӧдчӧмыс колӧ,
Кыдзи лӧбачьяслы борд,
Коді школаясӧ волӧ,
Сійӧ овлӧ шуда морт.

Сэтшөм мортыд оз нин тӧдлы
Пемыд олӧм, гажтӧм лун,
Ванюк, велӧдчыны ветлы,
Югыд туйӧд водзӧ мун!







ТӨВ

Югыд шонді төдө:
Эштіс арся удж.
Зэв нин сёрөн петө,
Ветлө өти сутш.

Лэптысьö и лэччö,
Кусö пырысь-пыр,
Аски дыша чеччö,
Узьö вывтi дыр.

Луныс быри, воши.
Помтöм лои вой.
Локтіс еджыд тошка
Көдзыд, би кодь збой.

Дорис юяс, шоръяс,
Вöчис йиа пос,
Чирсіс пулысь коръяс,
Лои гөгөр кос.

Потшӧс пӧлӧн тола
Пукталӧ тӧв ныр.
Шоныд сиктса школа
Велӧдчысьӧн тыр.
Кӧдзыдысь оз повзы
Ыж ку пася морт.
Керкаын оз овсьы,
Дзескыд сылы горт.
Вӧрӧ сийӧ мунӧ
Лӧдзыны шпал да кер.
Тӧвся уджыс уна,
Сӧмын зӱля вӧр.






ГЛАВЛЕНИЕ

Тулыс	3
Мам и челядь	5
Гожом	7
Медся ичот зверь	9
Ичот нывлөн сыланкыв	11
Ар	13
Сёркни	15
Ванюк	18
Төв	21





Михаил Николаевич Лебедев

ВЕСНА

На коми языке

ДЛЯ ДОШКОЛЬНОГО ВОЗРАСТА

Оформление художника Ю. Борисова

Редактор В. Попов

Техн. редактор И. Оплеснин

Художеств. редактор М. Безносков

Сдано в набор 10/VI-60 г. Подп. к печати 20/X-60 г.
Бумага 84×108¹/₃₂=0,375 бум. л. 1,23 печ. л. (Уч.-над. л. 0,78).
Тираж 5000. Заказ № 2416. Ц01477. Цена 35 коп. с 1.1.61 г.—3 коп.

г. Сыктывкар, Республиканская типография Полиграфиздата
Министерства культуры Коми АССР,

35 коп.
с 1.1-61 г. 3 к.



КОМИ КНИЖНОЙ ИЗДАТЕЛЬСТВО 1960

